

Diputado Nel Oduber a declara **AGENTENAN POLICIAL NO POR ANULA TRASLADO**

CASITA NA CANDELA

ORANJESTAD (AAN)—Ayeranochi alarma a wordo bati pa un incendio cu a keda registra na Regent's Park. A resulta cu un bouwkeet tabata na candela.

Aparentemente tabata tin temor cu e por provoca candela na e casnan den vecindario, pero e asunto a keda controla rapidamente pa bomberonan.

DE KONING TA BIN DISCUTI PROYECTONAN

**SEGUN PDA
GEZAGHEBBER MESTER
KEDA TE DIA STATUS
APARTE DRENTA NA VIGOR**

MAUDE NISBET 103 AÑA

Ayera e habitante mas bieb di Aruba, señora Maude Nisbet, a cumpli 103 aña. Señora Nisbet ta kedando na St. Michael Paviljoen y a ricibi bishita di Gezaghhebbber Bislip, kende a felicita e cumpleaños y tambe a sostene un conversacion ameno cune.

Señora Nisbet a wordo sorprendi pa regalo, bolo y flor. Tabata presente tambe Diputado Grace Bareño, Comisario Interino W. Kramers y señor van den Berg, administrador di Fundacion pa Cuido di Ancianonan y personal di St. Michael Paviljoen.



BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION

DIARIO

DI ARUBA

Bo Matutino
Netamente Arubiano

DIAMARS 23 JULI 1985 AÑA 4, No. 1376

HAITIANONAN TA BAY URNA ELECTORAL BAO GUIA MILITAR

PORT AU PRINCE—Haitianonan bao di guia di militarnan cu tabata sigui nan di acerca, a deposita nan voto ariba e constitucion nobo di e pais. Asina nan mester nombra Jean Claude Duvalier Presidente pa bida.

E resultadonan di e eleccionnan no ta duna lugar pa duda segun criticonan. E votadornan ta simpatisantenan di Baby Doc y tambe militarnan y e pueblo mes a mustra poco interes.

E sistema di voto tabata uno unico: bo por e eligi entre dos urna: esun pa depone bo voto na favor y esun pa depone bo voto contra e constitucion. Tur esaki mientras militarnan ta vigila.

Asina na un forma "democratico, Baby Doc ta spera di haya mas poder.